

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IX. Et Dissensio Friderici II. Gregorijque Noni. Schisma quoque Ludovici  
Bavari.

**urn:nbn:de:hbz:466:1-15591**

# & Imperij Lib. I. Cap. I.

5

flatus in tomum quartum Bibliothecæ Patrum. Tertia occasio fuit, inquit Prædicatores, quam ipsi aliquando nobis in familiari colloquio assignaverunt, scilicet superba nimis exaltio Legatorum Pape. Dicebant namque referentes, quod quando Legati summi Pontificis ab ipsa sede apostolica annuatim Constantinopolim christina deferebant, nisi octoginta libra auri a Clero & urbis populo, præter alia dona & munera, eisdem impenderentur, non recedebant. Taceo, age, diebam, de pompa & superbia quam ipsi ostendebant. Vide epistolas Germani Patriarchæ Constantinopolitanus ad Papam Gregorium IX. & Cardinales, quæ exstant apud Matthæum Parisium. Claudam vero hanc observationem meam illustri loco Gulielmi Durandi Episcopi Mimatensis, cuius hæc sunt verba ex libro secundo de modo generali Concilij celebrandi cap. vii. Proverbium vulgare est: *Qui torum vult, totum perdit. Ecclesia Romana sibi vendicat universa. XCIII. di. Diaconi sunt. Vnde timendum est quod universa perdat. Nam (sicut Salomon ait Proverbiorum xxx.) qui multum emungit, sanguinem elicit. iv. dicit. Denique. Sicut haberetur exemplum de Ecclesia Gracorum, que ex hoc ab Ecclesia Romana obedientia dicitur recessisse.*

VII. Eadem strages Occidentem aliquando foedavit, dissidio inter Ecclesiam & Imperium è variis de jurisdictione contentionibus orto, quod Gregorium VII. & Henricum IV. inter se commisit; nec potuit incendium, quo Europa flagrabat, extingui, donec pax Ecclesiæ redditæ fuisset, iis conditionibus quibus depacti sunt Callistus secundus & Henricus V. Contentio illa, quæ corpus Ecclesiæ in duas veluti factiones divisit, & verum schisma conflavit, non aliunde sumpsit originem, quam ex episcopatum Investituris, quæ per annum & virgam concedebantur: quas quidem Gregorius & eum secuti Pontifices Urbanus II. & Paschalis II. libertati ecclesiastice adversas assertabant: è contra Henrici ambo, pater, & filius, eas in eorum jurium censum referebant quæ à Carolo Magno quæsita Imperio, per longissimi temporis usum vim constituti habere profebantur; à quibus excidere illis fas non esset, quandiu Imperium retinerent. atque adeo, si ob assertam Regni libertatem aliqua excommunicatione necterentur, eam nullius momenti futuram.

VIII. Dissensionem vero illam quæ inter Fridericum primum & Hadrianum IV. Alexandrūmque III. exarcti, quæque tot luctuosis cladibus celebratur apud autores, sola hinc Imperij asserendi, hinc Ecclesiæ in libertatem vindicandæ cupido excitavit. Hadrianus ab hominij sacramento liberos Episcopos contendebat, & Imperium Romanum suo beneficio Friderico collatum. Fridericus vero hoc telo peti dignitatem suam ratus, & Imperij jura ad

feudorum servitutem demitti, excanduit, hæcque ratione Unitatem scindi, inter Regnum & Sacerdotium schisma fieri, Edicto testatus est. Ægrum animum & saucium curare conatus est Hadrianus; sed crudum vulnus, quod Fridericus toto corpore excepérat, tam levi remedio obducio non potuit. quinimo cum Hadrianus Imperij hostes in Italia sublevasset, pestis illa recruduit, & in Alexandria successorem propagata, schimata corpus Ecclesiæ lacerasit.

X. Quid loquar de funesta illa dissensione quæ Fridericum II. & Gregorium IX. inter se collisit? Calamitatem illam accepto ferendam docer fides annualium, violata à Friderico Clericorum & Ecclesiæ immunitati: quam Honorius III. cum excommunicatione vindicasset, inde luctuosissimi belli & schismatis sub Gregorio IX. licet aliis coloribus quæsitis, occasio nata est. Mitto Ludovicum Bavaram: qui jura Imperij Romani cum afferere tentaret adversus Ioannem XXII. horrida belli tempestate & misero schismate Italiam & Germaniam concusserit.

X. Quod ad Gallos attinet, ita se in his discriminibus semper gesserunt, ut constantia prudentiæ sua & jura sua retinuerint, & pietatem erga Romanam Ecclesiam non laeserint: qua etiam omne studium suum in id contulit, ut de Francorum Regibus optimè mereretur. Sanè tacendum non est Gallos quandoque ita comparatos, ut si prefraçè cum illis actum fuisset, in dissidium abiissent potius quam Ecclesiæ Gallicanam veluti capite minui sustinuissent; ut fidem faciunt litteræ ab Ivone Episcopo Carnotensi ad Paschalem II. data; quibus Pontificem serio monet, ne Noviomensis Ecclesiæ divisione tentata, Tornaci Episcopum instituat, contra veterem confuetudinem. Novit, inquit ille, paternitas vestra quia Regnum Francorum pre ceteris regnis sedi apostolice semper fuit obnoxium: & idcirco quantum ad ipsas regias personas pertinuit, nulla fuit dissensio inter Regnum & Sacerdotium. Quod ergo hacenus cum pace & utilitate Ecclesiæ observatum est, humiliter perimus ut de cetero observetur, & Regni Francorum pax & summi Sacerdotij nulla subreptione dissolvatur. Quod idcirco prelibamus, quia audivimus Clericos Tornacenses apud apostolicam sedem venisse, petiuros ut apostolica preceptione proprium possint habere Episcopum, & Noviomensis Ecclesiæ frustare privilegium. Quod ne fiat, sicut filii & fideles rogamus & consulimus: ut statum Ecclesiæ, qui quadringentis ferme annis duravit, inconcussum manere concedatis; ne hac occasione schisma, quod est in Germanico regno ad-

Fridericus in Edicto anni 1157.

Ioan. Villani. I. 6.  
c. 16.  
Vinc. Belusc. I.  
30. c. 129.

Joannis Extravag.  
& Editionis Ludo-  
vici Bavari.

Ivo cap. 128.  
Vide infra lib. 4.  
cap. 13. §. 3.

A iiij

anno MXXXI.

Plauta Tralla  
no Sigeberti de  
Private Ecclesiæ.

ad Michae-  
la Ap-  
p. 1.

ad Leon-  
i. t. 1.  
d. Romani  
r. Pagan-  
gini.

a heresi  
nico No-  
t. i. in  
re Hil-  
an.